

**QORAQALPOG'ISTON  
RESPUBLIKASI  
VAZIRLAR KENGASHINING  
FARMOYISHI**



**QARAQALPAQSTAN  
RESPUBLIKASI  
MINISTRLER KENESININ  
BIYLIGI**

2021 - yil 22 - noyabr

129-13-0-F/21

Qoraqalpog'iston Respublikasi  
Vazirlar Kengashi

**Давлат бошқаруви органлари, вазирлик ва идораларда ижро  
интизомини самарали ташкил этишда масъул ходимларнинг шахсий  
жавобгарлигини кучайтириш тўғрисида**

Қорақалпоғистон Республикаси Вазирлар Кенгаши аппаратида Ўзбекистон Республикасининг “Жисмоний ва юридик шахслар мурожаатлари тўғрисида”ги Қонуни, Ўзбекистон Республикаси Президентининг 2021 йил 10 февралдаги “Қонунчилик ҳужжатлари ижросини самарали ташкил этишда давлат бошқаруви органлари ва маҳаллий ижро этувчи ҳокимият органлари раҳбарларининг шахсий жавобгарлигини кучайтиришга доир қўшимча чора-тадбирлар тўғрисида”ги ПФ-6166-сон Фармони ҳамда 2021 йил 31 майдаги ““Ijro.gov.uz” ижро интизоми идоралараро ягона электрон тизими самарали фаолият кўрсатишини таъминлашга қаратилган қўшимча чора-тадбирлар тўғрисида”ги ПҚ-5132-сонли қарорига, Вазирлар Маҳкамасининг 1999 йил 12 январдаги “Ижро интизомини мустаҳкамлаш чора-тадбирлари тўғрисида”ги 12-сон қарори, 2018 йил 7 майдаги “Давлат органларида, давлат муассасаларида ва давлат иштирокидаги ташкилотларда жисмоний ва юридик шахсларнинг мурожаатлари билан ишлаш тартиби тўғрисидаги намунавий низомни тасдиқлаш ҳақида”ги 341-сонли қарори ижроси мунтазам равишда муҳокама қилиниб, камчиликка йўл қўйган раҳбар ва мутахассисларнинг шахсий масъулиятини ошириш мақсадида уларга нисбатан интизомий жазо чоралари кўрилмоқда.

Шунга қарамасдан, айрим масъул раҳбарлар томонидан ижро интизоми талаблари, ҳужжатларнинг ижро муддатларини бузиш ҳолатлари учрамоқда.

Хусусан, Ўзбекистон Республикаси Президентининг 05.10.2020

йилдаги "“Рақамли Ўзбекистон – 2030” стратегиясини тасдиқлаш ва уни самарали амалга ошириш чора-тадбирлари тўғрисида”ги ПФ-6079-сон Фармонининг:

- 1.2.1.10.3-бандига мувофиқ, жорий йил 31 октябргача ўқувчиларнинг ўзлаштиришини ҳисобга олиш, ўқитувчилар фаолиятига оид статистика ва ҳисоботларни шакллантиришни назарда тутувчи “Электрон кундалик” ягона тизимини;

- 1.2.1.12.3-бандига мувофиқ, “Электрон поликлиника” намунавий ахборот тизимини “Рақамли Қорақалпоғистон Республикаси” геопорталига интеграция қилиш белгиланган. Лекин шу кунгача Ахборот технологиялари ва коммуникацияларини ривожлантириш вазирлиги Қорақалпоғистон Республикаси бошқармаси (Т.Баекеев), Халқ таълими вазирлиги (Р.Рейимов) ва Соғлиқни сақлаш вазирлиги (М.Қурбанов) томонидан электрон тизимлар шу кунгача интеграция қилинмаган.

- 2а-иловага мувофиқ, Бўзатов туманида рақамли трансформация қилиш бўйича лойиҳаларни амалга ошириш «йўл харитаси»да «Ақлли иссиқхона» комплекс ахборот тизимини туман ҳудудидаги иссиқхоналарда жорий этиш бўйича режа-жадвал ишлаб чиқиш ва графикка асосан тизимни босқичма-босқич жорий этиш ҳамда иссиқхоналарни керакли жиҳозлар билан таъминлаш белгиланган. Лекин, Бўзатов тумани ҳокимлиги (М.Қайпанов), Қишлоқ хўжалиги вазирлиги (З.Зиядуллаев) томонидан топшириқ ижроси шу кунга қадар таъминланмаган.

- 2б-иловага мувофиқ, Нукус шаҳрида рақамли трансформация қилиш бўйича лойиҳаларни амалга ошириш «йўл харитаси» ижросини таъминлаш белгиланган.

«Йўл харитаси»нинг 9-бандига мувофиқ, Нукус шаҳрида шошилинич тиббий ёрдам кўрсатиш филиалида видеоконференцалоқа ва «Телемедицина» тизимини жорий этиш,

19-бандига мувофиқ, «Автоматлаштирилган ва марказлашган бошқарув ахборот тизими»ни жорий этиш бўйича 66795 та табиий газ истеъмолчиларига замонавий автоматлаштирилган газ ҳисоблагичлари ўрнатиш ва биллинг тизимига улаш белгиланган. Лекин, Нукус шаҳри ҳокимлиги (У.Панаев), Соғлиқни сақлаш вазирлиги (М.Қурбанов) ва «Худудгаз» Қорақалпоғистон газ таъминоти филиали (Х.Айманов)

томонидан белгиланган вазифалар шу кунгача бажарилмаган.

- 2в-иловага мувофиқ, Тахиатош туманида рақамли трансформация қилиш бўйича лойиҳаларни амалга ошириш «Йўл харитаси» ижросини таъминлаш белгиланган.

"Йўл харитаси"нинг 8-бандига мувофиқ, тумандаги мактабгача таълим муассасаларини керакли компьютер ва видеокузатув мосламалари билан жиҳозлаш мақсадида 16 та компьютер техникалари, 16 та бошқа оргтехникалар ва 32 та видеокузатув мосламалари билан таъминлаш белгиланган. Лекин, Тахиатош тумани ҳокимлиги (И.Маткаримов), Мактабгача таълими вазирлиги (Ж.Уснатдинова) томонидан топшириқ ижроси шу кунгача таъминланмаган.

12-бандига мувофиқ, тумандаги мактабларни керакли компьютер қурилмалари билан жиҳозлаш мақсадида 44 та компьютер техникалари, 22 та бошқа оргтехникалари билан таъминлаш белгиланган. Лекин, Тахиатош тумани ҳокимлиги (И.Маткаримов), Халқ таълими вазирлиги (Р.Рейимов) томонидан топшириқ ижроси шу кунгача таъминланмаган.

18-бандига мувофиқ, табиий газ истеъмолини ҳисобга олиш ва назорат қилишнинг автоматлаштирилган тизимини жорий этиш мақсадида замонавий газ ҳисоблагичларни 11775 та жисмоний ва 225 та юридик шахсларга ўрнатиш ва ишга тушириш ҳамда биллинг тизимига улаш белгиланган. Лекин, Тахиатош тумани ҳокимлиги (И.Маткаримов), «Ўдудгаз» Қорақалпоғистон газ таъминоти филиали (Х.Айманов) томонидан ишлар шу кунгача якунланмаган.

Ушбу салбий ҳолатларнинг такрорланишининг олдини олиш ҳамда ижро интизомини янада мустаҳкамлаш, Ўзбекистон Республикаси Президентининг топшириқлар ижроси бўйича назорат ва ҳисобдорликни ташкил этишда масъул раҳбар ходимларнинг шахсий масъулиятини ошириш мақсадида:

1. Қорақалпоғистон Республикаси Қишлоқ хўжалиги вазири З.Зиядуллаев, Соғлиқни сақлаш вазири М.Курбанов, Мактабгача таълими вазири Ж.Уснатдинова, Халқ таълими вазири Р.Рейимовга Ўзбекистон Республикаси Президенти ҳужжатлари ҳамда топшириқларининг бажарилишини ташкил қилиш, ҳужжатлар билан ишлаш, ижро интизомини назорат қилиш, топшириқлар ижросини таъминлашда юзага келган

муаммоли масалаларни ҳал этиш юзасидан ўз вақтида зарур чоралар кўрмаганлиги учун Қорақалпоғистон Республикасининг "Қорақалпоғистон Республикаси Вазирлар Кенгаши тўғрисида"ги Қонуни 11-моддасига асосан **“ҳайфсан” эълон қилинсин** ва шахсий иш жилдларига қўшилсин.

Ахборот технологиялари ва коммуникацияларини ривожлантириш вазирлиги Қорақалпоғистон Республикаси бошқармаси бошлиғи Т.Баекеевга нисбатан Вазирлар Кенгашининг 2021 йил 16 июль кунги 6-13-0-F/21-фармойиши билан **“ҳайфсан” эълон қилинганлигини** инобатга олиб, ўртача ойлик иш ҳақининг **30 фоизи миқдорида жарима солинсин**.

2. Вазирлар Кенгаши Раисининг капитал қурилиш, коммуникациялар ва коммунал хўжалиги масалалари бўйича ўринбосари Е.Аташовга ҳамда Инвестициялар ва ташқи савдо вазири Б.Хабибуллаевга нисбатан;

Нукус шаҳри ҳокими У.Панаев, Бўзатов тумани ҳокими М.Қайпанов ва Тахиатош тумани ҳокими И.Маткаримовларга нисбатан интизомий чоралар кўриш юзасидан Қорақалпоғистон Республикаси Жўқорғи Кенгеси Раиси номига таклиф киритилганлиги маълумот учун қабул қилсинсин.

3. Қорақалпоғистон Республикаси Вазирлар Кенгашининг ташкилий-кадрлар гуруҳи бошлиғи Р.Рисназаров "Ўудудгаз" Қорақалпоғистон газ таъминоти филиали бошлиғи Х.Аймановга нисбатан интизомий чоралар кўриш бўйича "Ўудудгазтаъминот" акциядорлик жамияти бошқарув раисига таклиф тайёрласин.

**4. Барча вазирлик, идора ва ташкилотлар раҳбарлари, шаҳар ва туманлар ҳокимлари:**

Ўзбекистон Республикаси Президенти ҳамда Ҳукумат томонидан берилаётган ҳар бир топшириқлар ижроси таъминлаш, Давлат Раҳбарининг ҳудудларга ташрифлари давомида белгиланган топшириқларни ўз вақтида ижросини таъминлаш ва назорат қилиш бўйича барча зарурий чоралар кўриб бориш;

жисмоний ва юридик шахслардан келиб тушаётган мурожаатларнинг белгиланган тартибда ўрганилиб чиқилишига ва мурожаат эгаларига берилаётган жавобларнинг сифатига масъулият билан муносабатда бўлиш;

ижро учун кирим қилинган барча ҳужжатлар (мурожаат, ариза, хатлар, топшириқ)нинг ўз вақтида ва сифатли бажарилишини, шунингдек,

фуқароларни қабул қилиш жараёнларини доимий назоратга олиш ва амалга оширилаётган ишлар натижаларини аппарат йиғилишларида танқидий муҳокама қилиб бориш топширилсин.

5. Мазкур фармойиш билан белгиланган топшириқларнинг ижросини назорат қилиш Вазирлар Кенгаши Раисининг барча ўринбосарлари зиммасига юклансин.

**Қорақалпоғистон Республикаси  
Вазирлар Кенгаши Раиси**



**Қ.Сариев**